



Broj: 06-30-7245/24 ED  
Sarajevo, 25.07.2024. godine

Na osnovu člana 70. Zakona o organizaciji organa uprave u Federaciji BiH („Službene novine Federacije BiH“, br. 35/05), člana 14. Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, br. 51/23) i člana 9. stav (2) Pravilnika o radnim odnosima Zavoda za izgradnju Kantona Sarajevo br. 05-036-676/19 od 30.08.2019. godine (Izmjene br. 02-2-5835/22 od 17.06.2022. godine i 02-2-10766/22 od 15.11.2022. godine), direktor Zavoda za izgradnju Kantona Sarajevo donosi:

## **ODLUKU**

### **o načinu korištenja drugog dijela godišnjeg odmora za državne službenike i namještenike Zavoda za izgradnju Kantona Sarajevo**

#### **I**

Odobrava se korištenje drugog dijela godišnjeg odmora državnim službenicima i namještenicima Zavoda za izgradnju Kantona Sarajevo (u daljem tekstu: Zavod) u skladu sa zakonom, važećim kolektivnim ugovorom i pravilnikom o radnim odnosima.

Ako državni službenik i namještenik koristi godišnji odmor u dijelovima, prvi dio koristi bez prekida u trajanju od najmanje 12 radnih dana u toku kalendarske godine, dok drugi dio može koristiti u dijelovima u dogovoru sa neposrednim rukovodiocem, najkasnije do 30. juna naredne godine.

Korištenje svakog pojedinačnog drugog dijela godišnjeg odmora ne može biti duže od 10 (deset) radnih dana, s tim da u mjesecu junu naredne kalendarske godine pojedinačni drugi dio godišnjeg odmora može se koristiti jedanput i ne može biti duži od 5 (pet) radnih dana.

#### **II**

Za korištenje svakog pojedinačnog drugog dijela godišnjeg odmora iz člana I ove odluke, državnom službeniku i namješteniku Zavoda izdat će se posebna pismena saglasnost.

#### **III**

Za realizaciju ove odluke zadužuje se Sektor za javne nabavke, kadrovske i opće poslove tj. Služba za kadrovske i opće poslove Zavoda.

#### **IV**

Ova odluka stupa na snagu danom donošenja i objavit će se na web stranici Zavoda i oglasnoj ploči Zavoda.

#### **V**

Stupanjem na snagu ove odluke stavlja se van snage Odluka Zavoda broj: 02-30-5503/22 od 09.06.2022. godine.

Dostaviti:

- Direktor Zavoda,
- Službi za kadrovske i opće poslove,
- Oglasna ploča Zavoda,
- a/a.

